

"মিষ্টি বাচ্চারা :- ঘুমিয়ে থাকা ভাগ্যকে জাগিয়ে তোলার সাধন হলো পড়া, এই পড়াই হলো উপার্জনের উৎস, যাতে ২১ জন্মের জন্য ভাগ্য জাগ্রত হয়"

প্রশ্ন :- এই রুহানী কলেজের একটি বিশেষত্ব শোনাও, যা দুনিয়ায় অন্য কোনো কলেজে থাকে না ?

উত্তর :- এ এমনই এক কলেজ, যেখানে কোনো মানুষ গুরু বা টিচার হয় না। স্বয়ং নিরাকার ভগবান টিচার হয়ে পড়ান। ইনি এমন বিচিত্র বাবা, যাঁর নিজের কোনো চিত্র নেই, তাঁর কোনো বাবা বা টিচার নেই আর তিনি এমন পড়ান যাতে ২১ জন্মের জন্য আমাদের ভাগ্য জাগ্রত হয়। ওই পড়াতে তো এক জন্মের জন্য ভাগ্য তৈরী হয়, আর এতে ২১ জন্মের জন্য ভাগ্য তৈরী হয়।

গীত :- ভাগ্য জাগিয়ে এসেছি আমরা....

ওম্ শান্তি। বাবা বসে বাচ্চাদের বোঝান। যিনি এখানে সকলের ভাগ্য বানাতে এসেছেন, কেন এই ভাগ্যের কি হয়েছে? ভাগ্যে গণ্ডি টানা হয়ে গেছে। ভারত একসময় ভাগ্যবান ছিল। ভারতবাসী দেবী - দেবতা ছিল। তখন সকলের ভাগ্য জাগ্রত ছিল। এখন ভারতবাসী নরকের মালিক, তাই তাদের ভাগ্য নিভে গেছে। এ কথা কে বোঝান? যিনি সকলের ভাগ্য বানান। যিনি সকলকে দুঃখ থেকে মুক্ত করেন এবং সবাইকে সুখের দান করেন। এ হলো দুঃখধাম। ভারত পাঁচ হাজার বছর পূর্বে সুখধাম ছিলো। তখন সকলের ভাগ্য জাগ্রত ছিলো। সম্পূর্ণ মনুষ্য সৃষ্টির ভাগ্য অবশ্যই বেহদের বাবাই জাগিয়ে তোলেন। বাবা হলেন রচয়িতা। এখন তোমরা জানো যে ভারতে একসময় সব মানুষ সুখী ছিলো। কোন্ মানুষ? এমন নয় যে, সত্যযুগে এতো মানুষ ছিলো। প্রথমে সত্যযুগে ৯ লাখ মানুষ ছিল। তখন দেবী - দেবতা ধর্মের শুরু হয়েছিল। এই সব কথাই বোঝান জ্ঞানের সাগর, মনুষ্য সৃষ্টির বীজরূপ বাবা। তিনি বাচ্চাদের প্রশ্ন করবেন - তোমাদের বীজের রচয়িতা কে? তখন বলবে - মাশ্বা, বাবা আমাদের সৃষ্টি করেছেন কেননা মা - বাবাই জন্ম দেন। বাবা কখনো তার স্ত্রীকে জন্ম দেন না। তিনি তার স্ত্রীকে গ্রহণ করেন, বলেন -- তুমি আমার স্ত্রী। তারপর তার মাধ্যমে সন্তানের জন্ম হয়। তিনি হলেন জন্মদাতা। কন্যা ছিলো পরের ঘরের, তাকে স্ত্রী হিসেবে গ্রহণ করেন, তাকে নিজের পত্নী বানান। তারপর যখন বাচ্চা জন্ম নেয়, তখন সেই বাচ্চা তাদের মাতা - পিতা বলে ডাকে। এরা হলো হদের মাতা - পিতা। বাবা তার মেয়ের বিয়ে দেন। প্রথমে কন্যা পবিত্র থাকে, তখন কতো মান - সম্মান থাকে। এরপর বিকারী হওয়ার কারণে সেই মান আর থাকে না। বলা হয় -- কন্যা হলো সেই, যে একুশ কুলের উদ্ধার করে। এখন বাবা বসে বোঝাচ্ছেন -- এই যে ব্রহ্মাকুমারীরা, এরা এই সময় ভারতবাসীদের একুশ জন্মের জন্য উদ্ধার করে। এরা সবাই কুমারী। যদিও বিয়ে করে থাকে কিন্তু ব্রহ্মাকুমার - কুমারী হওয়ার কারণে ভাই - বোন হয়ে গেছে। কাম কাটারী আর চালাতে পারে না। পবিত্রতার মান তো আছে, তাই না। সন্ন্যাসীরা পবিত্র থাকে, তাঁদেরও কতো মান থাকে। ভারতে যখন পবিত্রতা ছিলো তখন ভারত সদা সুখী ছিলো। সম্পূর্ণ নির্বিকারী ছিলো। মানুষ মন্দিরে গিয়ে গায় -- আপনি সর্বগুণ সম্পন্ন -- বাস্তবে তোমাদের ধর্ম হিন্দু ধর্ম নয়। হিন্দুস্থান তো থাকার জায়গা। ইউরোপের বাস করা মানুষদের ধর্ম খোড়াই ইউরোপিয়ান বলবে। তাদের ধর্ম তো খৃষ্টান। হিন্দুস্থানে যারা থাকে, তাদের ধর্ম হিন্দু নয়। ধর্ম তো অন্য হওয়া উচিত। বাবা বোঝান যে, যারা দেবী - দেবতা ধর্মের ছিলো তারাই নিজেদের

হিন্দু বলে কেননা তারা নিজেদের ধর্মকে ভুলে গেছে। হিন্দু কোনো আদি সনাতন ধর্ম নয়। খৃষ্টানরা ক্রাইস্টকে মানে কারণ তিনি খৃষ্টান ধর্ম স্থাপন করেছিলেন। এখানে তো কেউই জানে না যে, আমরা কোন্ ধর্মের। কেউ শিখ ধর্মের হলে তারা বলবে, আমরা শিখ ধর্মের। শিখ ধর্মকে স্থাপন করেছিলেন? তো বলবে গুরু নানক স্থাপন করেছিলেন। তিনি এই ধর্ম কিভাবে স্থাপন করেছিলেন? এ তো তোমরাই জানো। কোনো পতিত আত্মা ধর্ম স্থাপন করতে পারে না। যে - যে ধর্মস্থাপক হন তারা প্রথমে পবিত্র হন, তারপর অপবিত্র শরীরে প্রবেশ করে ধর্ম স্থাপন করেন। যেমন গুরু নানকেরও সন্তানাদি ছিলো। তারপর তাঁর মধ্যে পবিত্র আত্মা প্রবেশ করে শিখ ধর্ম স্থাপন করেছিলেন। এই ব্রহ্মারও পতিত শরীর ছিলো, এনার মধ্যেও জ্ঞানের সাগর বাবা এসেছেন। তোমরা জানো যে, তিনি আমাদের বাবা। এই কথা আত্মা বলে। এখন তোমাদের আত্মা - অভিমানী হতে হবে। দেহের মধ্যে আত্মা থাকে। যেমন কেউ বলে - আমি মার্চেন্ট। এই কথা আত্মা এই অরগ্যান্সের দ্বারা বলে। আত্মা বলে, আমি ৮৪ জন্ম সম্পূর্ণ করেছি। বাবা বসে বোঝান, আমি হলাম তোমাদের আত্মাদের বাবা। আমার অবতরণ এই ভারতেই হয়। আমার নিজের কোনো শরীর নেই। ব্রহ্মা - বিষ্ণু এবং শঙ্করের নিজেদের সূক্ষ্ম শরীর আছে। আমার অবতরণ এই ভারতেই হয়। স্মরণের জন্য শিবলিঙ্গ দেখানো হয় কিন্তু আমার কোনো এতবড় রূপ নেই। আমি হলাম স্টার। আত্মা কোনো বড়কিছু হয় না। ব্রহ্মকুটির মধ্যে আজব তারা ঝলমল করে। আত্মা খুবই ছোটো। অনেক করে সাদা লাইটের সাক্ষাৎকার হয়। এখন কতো কোটি আত্মা, কিন্তু সত্যযুগে এতো শরীরধারী আত্মা থাকবে না। যদি সত্যযুগে এতো আত্মা থাকত তাহলে এখন পর্যন্ত অজস্র হয়ে যেতো। এতো তো থাকে না।

বাচ্চারা, তোমরা জানো যে, এ কোনো সাধু - সন্ন্যাসী নয়, এ তো আমাদের বাবা বোঝান। এই বাবার আর কোনো বাবা হয় না। ব্রহ্মা - বিষ্ণু এবং শঙ্করেরও বাবা আছে। কৃষ্ণেরও বাবা ছিলো। বেহদের বাবা বলেন, আমার কোনো বাবা নেই। না আছে টিচার। সত্যযুগেও বাচ্চারা রাজবিদ্যা পড়ার জন্য স্কুলে যাবে। সেখানে টিচার থাকবে। আমার কোনো টিচার নেই। আমি তোমাদের রাজযোগের শিক্ষা দিই। আমি কোনো রাজা বা মহারাজা হবো না। তোমরা বাচ্চারা তা হবে। পূজ্য ছিলেন শ্রী লক্ষ্মী আর শ্রী নারায়ণ। তাঁরা সত্যযুগে রাজত্ব করতেন। এই নিরাকার বাবা এই শরীরে বিরাজমান হয়ে আত্মাদের পড়ান। আমরা আত্মারা পড়ি। তিনি হলেন জ্ঞানের সাগর, শান্তির সাগর। বাবা বলেন, আমি তোমাদের আমার আশীর্বাদী বর্ষা দিই একুশ জন্মের জন্য। সত্যযুগে তোমরা সুখ শান্তিতে ছিলে। সেখানে রাবণ ভূত থাকে না। সে হলো সম্পূর্ণ নির্বিকারী দুনিয়া। এখন হলো সম্পূর্ণ বিকারী দুনিয়া। এখন তোমরা বাচ্চারা জানো যে, আমরা বাবার কাছে ভাগ্য বানাতে এসেছি। স্কুলে তো ভাগ্য বানানো হয়। পড়াশোনা করে পাস করবে, তারপর টিচার হবে। এখানে তোমরা একুশ জন্মের জন্য ভাগ্য তৈরী করো। ওরা ভাগ্য বানায় এই এক জন্মের জন্য। স্কুলে পড়ে শরীর নির্বাহের জন্য রোজগার করবে, নিজের এবং অন্যের শরীরও নির্বাহ হবে। ওই স্কুলে তো এক জন্মের জন্য ভাগ্য বানানো হয়, জন্ম - জন্মান্তরের জন্য ব্যারিস্টার, ইঞ্জিনিয়ার হবে না। অন্য জন্মে আবারও পড়তে হবে। সে হলো শরীর নির্বাহের জন্য এক জন্মের পড়া। বাবা তো বলেন - আমি তোমাদের ২১ জন্মের জন্য সুখ - শান্তির আশীর্বাদী বর্ষা দিই। এই কথা বেহদের বাবা বলেন, তাঁর কোনো বাবা নেই। তোমরা বাচ্চারা বলো - বাবা আমরা আপনার। বাবাও বলেন -- হ্যাঁ বাচ্চারা, আগের কল্পে তোমরা আমার ছিলে, আবারও এখন হয়েছে। এ হলো ঈশ্বর বাবার কাছে বাচ্চাদের স্নেহ। আত্মা - পরমাত্মা আলাদা আছে বহুকাল -----পাঁচ হাজার বছর আগেও তিনি তোমাদের ফুল বানিয়ে স্বাস্থ্য এবং সম্পদ দিয়েছিলেন কেননা জ্ঞানই হলো এই রোজগারের উৎস। এই পড়ার দ্বারাই

ভাগ্য বানাতে হয় । সে হলো হদের ভাগ্য আর এ হলো বেহদের ভাগ্য । এ হলো স্কুল, কোনো সৎসঙ্গ নয় । সৎসঙ্গে তো মানুষ যায়, সেখানে কেউ রামায়ণ, কেউ আবার অন্য গ্রন্থ পড়ে শোনায় । বাবা তো হলেন জ্ঞানী । বাবা কোনো শাস্ত্র ইত্যাদি পড়েন না । তিনি বলেন - আমি তো সবকিছুই জানি । এ কেবল তোমাদের বুদ্ধিতেই আছে যে, তিনি হলেন অতি প্রিয় বাবা, যাঁকে সবাই স্মরণ করে যে, এই পতিত দুনিয়াতে এসো, এসে আমাদের অপার সুখ দাও । তুমি আমাদের মাতা - পিতা, আমরা তোমার বালক -----এখন তোমরা সামনে এসে বাচ্চা হয়েছো । বাবা হলেন বিচিত্র । তাঁর কোনো চিত্র বা শরীর নেই । কিন্তু শরীর ছাড়া তিনি শিক্ষা কেমন করে দেবেন । তাই তিনি বলেন, আমি এনার শরীরের আধার নিয়ে, এনার দ্বারা তোমাদের পড়াই । তোমরা জানো যে, আমাদের কোনো মানুষ গুরু বা শিক্ষক পড়ান না । লেখা আছে যে --ভগবান উবাচঃ । তিনি হলেন নিরাকার, কিন্তু ব্রহ্মা দেবতায় নমঃ বা বিষ্ণু দেবতায় নমঃ বলা হয় । ব্রহ্মাকে ভগবান বলা হবে না কারণ তিনি হলেন সুক্ষ্ম বতনবাসী । দেবতারা হলেন রচনা, তাঁদের থেকে কোনো আশীর্বাদী বর্ষা পাওয়া যায় না, তাহলে মানুষ মানুষকে কিভাবে বর্ষা দেবে ! এই কথা কেউই বুঝতে পারে না । এ হলো গড ফাদারলী কলেজ । এখানে ভগবান পড়ান । বাচ্চারা, আমি তোমাদের মানুষ থেকে দেবী - দেবতা বানাই । এমন কথা আর কেউই বলতে পারে না । সন্ন্যাসীরা তো স্বর্গের মালিক হতে পারে না । তাঁদের হলো নিবৃত্তি মার্গ । সত্য যুগের প্রবৃত্তি মার্গে পবিত্র দেবী - দেবতারা ছিলেন । এখন আমি আবার এসেছি পতিতদের পবিত্র করতে । তোমরা যত স্মরণ করবে তত বিকর্ম বিনাশ হবে । আত্মাই পতিত হয় । সোনায় যেমন খাদ হয় তখন সেই গয়নাও খাদ যুক্ত তৈরী হয় । আত্মায়ও খাদ পড়লে আয়রন এজড হয়ে যায় । এখন সকলেই তমোপ্রধান, এরপর তোমরা আত্মারা যখন সুন্দর হবে তখন শরীরও সুন্দর পাবে । সত্যযুগে তোমরা গোরা অর্থাৎ সুন্দর ছিলে । তারপর ৮৪ জন্ম নিতে নিতে কালো হয়ে গেছো এই কারণেই কৃষ্ণকে শ্যাম সুন্দর বলা হয় । এ তো একজনের কথা নয় । সম্পূর্ণ রাজধানী গোরা সুন্দর ছিলো । এখন তা শ্যাম হয়ে গিয়েছে । আত্মা এবং শরীর দুইই রোগী হয়ে গেছে । তোমরা জানো যে, তোমরাই সেই পূজ্য দেবী - দেবতা ছিলে । মায়া তোমাদের পূজ্য থেকে পূজারী বানিয়ে দিয়েছে । দেবী - দেবতা ধর্মের মানুষ এখন ধর্ম ভ্রষ্ট এবং কর্ম ভ্রষ্ট হয়ে গেছে । তারাই দেবতাদের সামনে গিয়ে বলে -- আমরা নীচ পাপী, আমাদের মধ্যে কোনো গুণ নেই, আমরা কাঙ্গাল - দুঃখী । ভারতে একসময় দেবী - দেবতার রাজ্য ছিলো । ভারত মুকুটধারী ছিলো । এখন তো প্রজার উপর প্রজার রাজত্ব । বাবাকে কেউ জানে না । তোমরা এই কথা তো জানো যে, এই পুরানো দুনিয়ার বিনাশ হবে । গায়ন আছে যে - বিনাশ কালে বিপরীত বুদ্ধি -- কাদের ? যাদব আর কৌরবদের, যারা বাবাকে জানে না । ভগবান উবাচঃ হলো -- তোমাদের ভাগ্য যা এতকাল ঘুমিয়ে ছিলো, তা এখন জেগে উঠেছে । এ হলো ভাগ্য বানানোর পড়া । স্বর্গের মালিক তো স্বর্গের স্থাপনা করার জন্যই তৈরী করবেন । স্বর্গের স্থাপনা করেন হেভেনলী গড ফাদার । নরকবাসী মায়া তৈরী করে । তোমরা গেয়েও থাকো --- দুঃখে সবাই স্মরণ করে, সুখে কেউ করে না । দ্বাপর যুগ থেকে ভক্তি শুরু হয় । ভক্তির ফল দিতে ভগবানকে আসতে হয় । এখন ভগবান ভারতের ঘরে এসে বসেছেন । ভারত তো তাঁর ঘর, তাই না । শিবরাত্রিও এখানে পালন করা হয় আবার মন্দিরও এখানেই বানানো হয়েছে । শিববাবা এসে তোমাদের এই জ্ঞান দেন, যাকে জ্ঞান অমৃত বা সোমরসও বলা হয় । তিনি এই স্বর্ণ যুগ বানানোর জন্য জ্ঞান দেন । তাঁর নাম সোমনাথ । এখন তো ভারত কতো কাঙ্গাল । তোমরা এই সময় তিন পদ পৃথিবীও পাও না । তোমরা কোথায় বসে পড় ? এ তো অনেক বড় হসপিটাল কাম কলেজ । তোমরা হলে অতি ক্ষুদ্র । তোমরা বলো, বাবা, আমি আপনার ১২ মাসের বাচ্চা । আত্মা এই শরীরের দ্বারা বলে -- বাবা, আমি ৬ মাসের বাচ্চা, তাহলে তো অতি

ক্ষুদ্রই হলো, তাই না । তারা বলে - আমি আপনার হয়েছি । আচ্ছা, এখন ভালো করে পড়, তাহলেই আমি সাথে করে নিয়ে যাবো । সন্ন্যাসীরা ব্রহ্ম বা তত্ত্বকে স্মরণ করে । বাবাকে ছেড়ে তারা থাকার জায়গাকে বা ঘরকে স্মরণ করে । তাঁরা মনে করে ব্রহ্মই হলো ভগবান, কিন্তু এ তাঁদের মিষ্টি ভুল । ব্রহ্ম তত্ত্ব, যেখানে আমরা অশরীরী আত্মারা নিবাস করি, তাকে কিভাবে ভগবান বলা যাবে ! এরপর তাঁরা বলেন যে, আমরা ব্রহ্মে লীন হয়ে যাবো । আত্মা তো অবিনাশী । তাকে তো অভিনয় করতেই হবে । বাবা খুব ভালো করে বসে বোঝান । এই দাদাও অনেক শাস্ত্র ইত্যাদি পড়েছিলেন কিন্তু আমাকে জানতেন না । এখন আমি এনাকেও শোনাই, এনার আত্মাও শোনে । আমি এনার শরীরে এসে তোমাদের পড়াই । ইনিও শোনে, এনার মুখের দ্বারাই আমি তোমাদের পড়াই । আমি তোমাদের দেহী - অভিমানী বানাই । এই দুনিয়াতে কেউই দেহী অভিমানী হয় না । তোমরা বাচ্চারা বেহদের বাবার থেকে বেহদের সুখের বর্ষা নিচ্ছে, পাঁচ হাজার বছর পূর্বের মতো । সন্ন্যাসীদের বুদ্ধিতে শাস্ত্রের জ্ঞান থাকে । এখানে কোনো শাস্ত্রের কথা নেই । বাবার আর কি স্মরণে আসবে ? তিনিই তো মালিক । তোমরা সেই বেহদের বাবাকে স্মরণ করো । প্রজাপিতা ব্রহ্মার তোমরা হলে ব্রহ্মাকুমার - ব্রহ্মাকুমারী । ব্রহ্মার দ্বারা তোমরা দাদুর থেকে আশীর্বাদী বর্ষা নাও । ব্রহ্মা বাবা হলেন সাকার । গ্র্যান্ড ফাদার হলেন নিরাকার । শিববাবার আত্মা ঐর মধ্যে আছে । দুই আত্মাই নিরাকার । এই সাকার বাবা -- যেমন বাবা, তেমনি মাও, এনার মাধ্যমে আমি তোমাদের দত্তক নিই ।

মিষ্টি - মিষ্টি হারানিধি বচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত ।
রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) পড়ার প্রতি সম্পূর্ণ নজর দিয়ে একুশ জন্মের জন্য সম্পূর্ণ ভাগ্য বানাতে হবে । এক বাবার মতে চলে নিজেদের সম্পদে পূর্ণ করতে হবে ।

২) আত্ম - অভিমানী হতে হবে । স্মরণের যাত্রায় আত্মাকে সম্পূর্ণ পবিত্র বানাতে হবে ।

বরদান :- জ্বালা রূপ স্মরণের দ্বারা নিজেকে পরিবর্তন করে ব্রাহ্মণ থেকে ফরিস্তা, ফরিস্তা থেকে দেবতা হও

অগ্নিতে যেমন কোনো জিনিস দিলে তার নাম, রূপ আর গুণ সব পরিবর্তন হয়ে যায় । তেমনি যখন বাবার স্মরণের লগনের অগ্নিতে পড়লে, পরিবর্তন হয়ে যাও । মানুষ থেকে ব্রাহ্মণ, ব্রাহ্মণ থেকে ফরিস্তা তারপর দেবতা হয়ে যাও । কাঁচা মাটিকে যেমন ছাঁচে ঢেলে আগুনে ফেলা হয়, তখন ইট হয়ে যায়, তেমনি এও পরিবর্তন হয়ে যায়, এই কারণে স্মরণকে জ্বালা রূপ বলা হয় ।

স্নোগান :- শক্তিশালী আত্মা সে-ই, যে যখন চাইবে তখন শীতল স্বরূপ আর যখন চাইবে তখন জ্বালা স্বরূপ ধারণ করতে পারবে ।